

Alkitab Buat Bocah Nampilin

Awalmulanyé
Kesedihan
Manusia



Nyeng nulis: Edward Hughes

Nyeng bikin gambar: Byron Unger; Lazarus
Alastair Paterson

Nyeng nyocokin: M. Maillot; Tammy S.

Nyeng terjemahin: www.christian-translation.com

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



TUHAN NYIPTAIN SEMUANYÉ!

Pas Tuhan ngebuat manusia pertamé,
Adam, dié tinggal didalem Taman
Eden amé bininyé, Hawa. Mereka
seneng secara sempurna
nurutin Tuhan amé nikmatin
kehadiranNyé sampé suatu
ketia ...



"Apé Tuhan bilang ke enté kalo jangan makan dari semué pohon?" Sang uler bertanya ke Hawa. "Kami bisé makan semué buah kecuali atu," dié ngejawab. "Kalo kité makan ato nyentuh ntu buah, kité bakalan mati." "enté kagak bakalan mati," uler menyeringai.



"Enté bakalan
jadi kayak Tuhan."
Hawa pengen
banget buah dari
ntu pohon. Dié
ngedengerin uler
amé makan
buahnyé.



Sehabis Hawa kaga nurutin
Tuhan, dié nuntun Adam buat
makan juga ntu buah. Adam
seharusnyé ngomong, "Kaga!
Ayé kaga bakalan ngelanggar
Perintah Tuhan."





Pas Adam amé Hawa
udeh bedosa, mereka bedua nyadar
kalo mereka lagi telanjang. Ngejahit daun ara
jadi serbet, mereka nutupin diri mereka amé
ngumpet dari kehadiran Tuhan di semak-semak.



Didinginyé malem, Tuhan dateng ke taman.
Dié tahu apé nyang Adam amé Hawa lakuin.
Adam nyalahin Hawa. Hawa nyalahin uler.
Tuhan ngomong, "Sang uler udeh dikutuk.
Perempuan bakal ngerasa kesakitan
pas ngelahirin anak. "Adam, karna
enté udeh bedosa, bumi terkutuk
amé duri dan tanaman nyang
tajam. Enté bakal
kesusahan amé
bekeringat buat

An illustration depicting a scene from the Garden of Eden. On the left, a green snake with a yellow patterned hood is coiled among green bushes. In the center, Adam, a man with brown skin and a beard, stands pointing his finger towards the snake. To his right, Eve, a woman with long brown hair tied back, looks on. They are surrounded by stylized green and yellow clouds against a blue background.

ngedapetin
makan
sehari-hari.





Tuhan naro Adam amé Hawa
keluar dari taman nyang indah.
Karna mereka udeh bedosa,
mereka dipisahin dari
hidup berkecukupan
oleh Tuhan.



Tuhan ngebuat pedang berapi biar
mereka tetep beradé diluar.
Tuhan bikin mantel kulit buat
Adam amé Hawa. Darimané
Tuhan ngambil
ntu kulit?




lambat-laum, sebuah keluargé lahir buat Adam amé Hawa. Anak laki pertama mereka, Cain, adalah seorang kang kebun. Anak laki kedua mereka, Abel, adalah seorang gembala.



Suatu hari, Cain bawain Tuhan beberapa sayuran sebagai hadiah. Abel ngebawa beberapa domba terbaik sebagai hadiah untuk Tuhan. Tuhan seneng banget amé pemberian Abel.



Tuhan kaga demen amé pemberian Cain. Cain kesel banget. Tapi Tuhan ngomong, "kalo enté ngelakuin hal nyang bener, ape enté kaga bakalan terima?"



Kekesalan Cain kaga bisé ilang.
Kaga lamé dié nyerang Abel di
sawah - dan ngebunuhnyé!



Tuhan nanya ke Cain. "Dimané adé enté, Abel?"
"Ayé kaga tau," Cain ngibul. "Apé ayé penjaga
sodara ayé?" Tuhan ngehukum Cain dengan
cara ngambil kemampuannyaé buat
bekebon amé ngebuat dié jadi
seorang pengembara.



Cain pegi dari keberadaan TUHAN, Dié kawin amé anak perempuan dari Adam amé Hawa. Mereka ngebesarin sebuah keluargé. Abis ntu, cucunyé Cain amé cicit menuhin kota nyang mereka diriin.




Sementara, keluarga Adam amé
Hawa tumbuh cepet. Waktu ntu,
orang bisa idup lebih lama
ketimbang ni hari.



Pas anaknyé Seth lahir, Hawa ngomong, "Tuhan ngasih ayé Seth buat ngegantiin Abel." Seth adalah seorang nyang saleh nyang idup selamé 912 tahun amé punyé seabreg anak.



Di dunia ni, orang berubah jadi lebih belis karna atu generasi ngikutin generasi lainyé. Akhirnyé, Tuhan mutusin buat ngehancurin umat manusia dan Segalé hewan buas amé burung. Tuhan nyesel dah nyiptain manusia.



Tapi atu manusia nyang nyenengin Tuhan.



Dié adalah Nuh. Seorang keturunanyé Seth,
Nuh baé dan kaga becela. Dié berjalan amé
Tuhan. Dié juga ngajarin ketiga anaknyé
buat ngelayanin Tuhan. Sekarang

Tuhan berencané make
Nuh dengan cara
nyang kaga

biasé dan
khusus!



Awalmulanyé Kesedihan Manusia

Sebuah cerita dari perkataannya Tuhan, Alkitab

Ditemuin di
kejadian 3-6

"Palang pintu Firman Engkau ngasih terang."
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

